




МЕСЯЦА ИЮЛЯ В 4-й ДЕНЬ

Преподобнаго Андрѣя Рублѣва, иконописца

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, возвах: стихирь, глас 3:



риидите, вернии, руками восплещим, и возрадуемся, и прославим/ преподобнаго Андрѣя,/ от родов наших избраннаго,/ иже Воплощенное Слово во образех истинно воплотѣ,/ да воззрят людие и познают, // яко Господь есть Христос, Избавитель мира.

Чистоту ума и сердца,/ целомудрие и кротость возлюбив, отче Андрѣе,/ очерневшее естество мира сего отвѣргл еси/ и устремился еси к Совершенному,/ Иже Троический имать образ и число./ Темже любовь и красоту совершенную// Господа славы познал еси.

Сораспялся еси Христу любовью, блаженне,/ на Крестѣ видя Единаго от Троицы,/ Егже показуеши во образех пребывающа/ и, Церкви послушен быв всегда,/ нас поучаеши Тому поклонятися, вопия:// слава Создавшему вся.

Ины стихирь, глас 5:

Сердце твое утвердил еси в Господе/ и образ Премудрости и Силы,/ Христа, за ны распеншагося,/ во иконых явил еси, преподобне,/ иудеом соблази, еллином безумие, // нам же верным спасение.

Глас Ипостасныя Премудрости, Христа,/ услышал еси, отче, зовый:/ аще кто безумен, обратися ко трапѣзе Моѣй,/ Аз бо есмь начало и конец./ Трапѣзы оныя насладился еси, преподобне,/ и возвеселился еси

о спасѣнии,/ ѣже Слово принесѣ Воплощѣнное,/ и во образех показуѣши пир Господень, // уготованный званным Егѡ.

Вся премудростию сотворшаго Господа/ достойно прославил еси,/ но не похвалился еси мудростию твоєю, ѡтче преподобне,/ хвалишися бо о ѣже разумѣти и знати Господа, // спасающаго нас Крестом Своим.

Слава, глас 4:

Изначала даром облечѣн бысть человек/ тварем имена нареци,/ Христос же верным власть даде/ в вещественных образех Божественная печатлѣти,/ и яко Луку от апостолов,/ такожде и ты от Церкви Россійския призва, избранниче Божий,/ ко священному иконописанию, // да прославится чрез образы сила содетельная Творца и Господа.

И ныне, Богородичен.

Вход. Прокимен дне. И чтѣния.

Бытія чтѣние (глава 18):

Явися Бог Аврааму у дуба Мамврія,/ седящему пред двѣрьми сѣни своея в полудне;/ возрѣв же очима своимъ, узрѣ, и се Триѣ Мужа стояху прямо ему./ И видев Я, притечѣ в срѣтение Им от двѣрий сѣни своея,/ и поклонися до земли, и речѣ:/ Господи, аще обретохъ благодать пред лицем Твоим,/ не мини раба Твоего,/ да принесѣтся вода, и омьются ноги Ваша,/ и прохладитѣся под дубом,/ и принесу хлебы, да ясте;/ и посѣм минетѣ на путь Свой,/ егѡже ради совратитѣся семо к рабу Своему./ И рѣша: тако сотвори, якоже глагола./ И потщася Авраам в сень к Сарре и речѣ ей:/ ускори взяти три спуды муки чисты и сотвори потребники./ И течѣ Авраам в кравы, и поя телецъ млад и добр,/ и даде ѡ рабу и ускори приготѡвити е./ И взя масло, и млекѡ, и телецъ, ѣже приготѡва,/ и постави пред Ними, и ядоша./ Сам же стояше пред Ними под дрѣвом./ Господь же речѣ:/ еда утаю Аз от Авраама, раба моего, яже Аз творю?/ Авраам же бывая будѣт в языкъ велик и мног,/ и благословятѣся о нем вси языцы земнии:/ вем бо, яко заповѣсть сынѡм своимъ и дому своему по себѣ,/ и сохранятъ пути Господни, творити правду и суд,/ яко да наведѣт Господь на Авраама вся, елика глагола к нему./

Рече Господь:/ вопль содомский и гоморрский умножися ко Мне, и греси их велицы зело;/ сошед убо, узрю, аще по воплю их, грядущему ко Мне, совершаются;/ аще же ни, да разумю./ И, обратившися оттуду, мужие приидоша в Содом;/ Авраам же еще быше стояй пред Господем./ И приближився, Авраам рече:/ погубиши ли праведнаго с нечестивым, и будет праведник яко нечестивый?/ Аще будут пятьдесят праведницы во граде, погубиши ли я?/ Не пощадити ли всего места пятидесяти ради праведных, аще будут в нем?/ Никакоже ты сотвориши по глаголу сему,/ еже убити праведника с нечестивым, и будет праведник яко нечестивый: никакоже./ Судяй всей земли, не сотвориши ли суда?/ Рече же Господь:/ аще будут в Содомех пятьдесят праведницы во граде,/ оставлю весь град и все место их ради./ И, отвещав, Авраам рече:/ ныне начах глаголати ко Господу моему, аз же есмь земля и пепел;/ аще же умалятся пятьдесят праведницы в четырехдесять пять,/ погубиши ли четырехдесяти пятих ради весь град?/ И рече: не погублю, аще обрящу тамо четырехдесять пять./ И приложит еще глаголати к Немю, и рече:/ аще же обрящутся тамо четырехдесять?/ И рече: не погублю ради четырехдесяти./ И рече: что, Господи, аще возглаголю?/ Аще же обрящется тамо тридесять?/ И рече: не погублю тридесятих ради./ И рече: понеже имам глаголати ко Господу,/ аще же обрящутся тамо двадесять?/ И рече: не погублю, аще обрящутся тамо двадесять./ И рече: что, Господи, аще возглаголю еще единою?/ Аще же обрящутся тамо десять?/ И рече: не погублю десятих ради./ Отиде же Господь, яко престав глаголя ко Аврааму,/ и Авраам возвратися на место свое.

Притчей чтение (глава 9):

Премудрость созда Себе дом и утверди столбов седмь./ Закла Своя жертвенная, и растворит в чаши Своей вино,/ и уготова Свою трапезу./ Посла Своя рабы, созывающы с высоким проповеданием на чашу, глаголющы:/ Иже есть безумен, да уклонится ко Мне./ И требующим ума рече:/ Приидите, ядите Мой хлеб и пейте вино, еже растворих вам./ Оставьте безумие и живи будете,/ и взыщете разума, да поживете./

и исправите разум в ведении./ Наказулий злий примет себе безчестие,/ обличаяй же нечестиваго опорочит себе:/ обличения бо нечестивому раны ему./ Не обличай злых, да не возненавидят тебе./ Обличай премудра, и возлюбит тя./ Дажь премудрому вину, и премудрший будет./ Сказуй праведному, и приложит приимати./ Начало премудрости страх Господень и совет святых разум:/ разумети бо закон помысла есть благого./ Сим бо образом многое поживеши время,/ и приложатся тебе лета живота.

Премудрости Соломо́ни чтение (глава 3):

Праведных души в руке Божией, и не прикоснется их мука./ Непщевани быша во очесех безумных умерети, и вменися озлобление исход их./ И еже от нас шествие сокрушение, они же суть в мире./ Ибо пред лицом человеческим аще и муку примут, упование их безсмертия исполнено./ И в мале наказани бывше, великими благодетельствовани будут,/ яко Бог искуси я и обрете их достойны Себе./ Яко злато в горниле искуси их и яко всеплодие жертвенное прият я./ И во время посещения их возсияют и, яко искры по стеблию, потекут./ Судят языком и обладают людьми, и воцарятся Господь в них во веки./ Надеющиеся Нань разумуют истину и вернии в любви пребудут Ему./ Яко благодать и милость в преподобных Его, и посещение во избранных Его.

На литии стихирь, глас 4:

Житием иноческим и подвиги/ Церковь нашу Православную прославил еси, преподобне Андрее,/ в нейже яко в Теле Христове пребывая,/ достигл еси обожения// и сонму святых приобщился еси.

Образ Пресвятыя Троицы на иконе начертал еси,/ нерожденна Отца,/ предвечно рожденна Сына,/ Духа, от Отца исходяща,/ и сим научаеши таинственному догмату Православныя веры,// Андрее преподобне.

Слава, глас 8:

Якоже великий Сергей/ воздвиже храм Святыя Единосущныя Троицы,/ изгоняя страх ненавистныя розни мира сего,/ такожде и ты, отче Андрее, начертал еси Святыя Троицы образ,/ заповедуя нам единомыслие

вѣры в Цѣркви Святѣй хранѣти, / идѣже несть разделѣ-
нѣя, // но всяческая и во всех Христос.

И ныне, Богородичен, глас тойже:

Тя и плоть Твою Приявшаго / зряще во святых обра-
зах, Пренепорочная Владычице, / чудо познаем нашего
спасения / и простираемъ к любви Твоей, / да будем
избавлены суда и смерти, / и покланяемъ, и славим, //
возсылающе Ти первообразную честь, Богородице.

На стиховне стихиры, глас 1:

Троицу во Единице / Бог и Господь праведному Авра-
аму сокровенно откры, / Церковь же явственне научи
тайне Единосущия Божества, / ты же, преподобне,
иконою Пресвятыя Троицы, / яко печатию, утвердил еси
спасительное ведение сие, // да нерушимо исповедуем
Троицу Единосущную и Нераздельную.

Стих: Честна пред Господем // смерть преподобных Его.

Зрѣнием образа Пресвятыя Троицы, преподобне
Андрѣе, / яко в чертог входим Небснаго Царя, / Емуже
ныне предстоиши во одеянии брачном / со Авраамом
и всеми святыми, / в невечернем свете приносѣ хвалѣ-
нѣя, / молѣти о нас не прѣтай Владыку всех, // да со
избранными Его сопричтемъ.

Стих: Блажен муж, бояйся Господа, // в заповедех Его
восхощет зело.

Образу Пресвятыя Троицы, / егоже писал еси, препо-
добне, / сила благодатная дадеся: / зрительно бо откры-
ваеши Истину, / Юже Пилат безумне отрину, / Авраам
же в поклонении трием Ангелом свидѣтельствова, /
да и мы спасительное поклонение Истинному Богу
воздадим // и жертву принесем благодарения.

Слава, глас 1:

Недоведомей тайне Единицы, / в Трех Лицах таин-
ственно пребывающия, / тайною веры приобщился
еси, преподобне, / и море искушений и страстей, яко
сущу, прешед, / Избавителя и Бога прославляеши // во
святых твоих образах.

И ныне, Богородичен, глас тойже:

Неизслѣдимо и никакоже мыслимо / Первообразнаго
во плоти от Тебѣ, Владычице, явлѣние, // Егоже Рожде-
ством нас спасла еси.

Тропарь, глас 3:

Божественнаго свѣта лучами облистѣемый,/ преподобне Андрѣе,/ Христѣ познал еси, Божію Премудрость и Силу,/ и иконою Святыя Троицы всему міру проповѣдал еси/ Единство во Святей Троице,/ мы же со удивлѣнием и радостію вопіем ти:/ имей дерзновение ко Пресвятей Троице, // моли просветити души наша.

НА УТРЕНИ

По 1-м стихословіи седален, глас 6:

Видите крѣны сельныя, рече Христос, о ученицы,/ краше бо Соломона во славе его одеяни суть,/ аз же возлюбих вас, яко образ мой и подобие,/ да будете усыновлены благодатию./ Сего же дара, преподобне, сподоби нас молитвами твоими.

Слава: Святаѣя Православная Церковь, иконою твоєю, преподобне, учит:/ Отец имать Сына и имать Святаго Духа,/ и не глаголем, яко Трие суть Бози, но Един Бог Трие Сии/ и равни Существом и Божеством и властію.

И ныне, Богородичен: Прибегаяюще присно ко пречистым иконам Твоим, Богородице,/ теми обретаем вся блага ныне,/ и живота конец добр и непостыден,/ и на воздухе бесов зрак Тебе ради не узрим,/ и избежим держащих рукописания согрешений наших.

По 2-м стихословіи седален, глас 6:

Око не виде, и ухо не слыша, и на сердце человеку не въздоша,/ яже уготова Бог любящим Его./ Сея же неизреченныя райския красоты/ да сподобимся и мы, молитвами преподобнаго.

Слава: Неизреченна и несказанна Святыя Троицы тайна,/ ни ангельскими, ни человеческими помышленьми постижима,/ паче бо начертаннаго преподобным Андреем образа Божественный Первообраз есть,/ Ему же вси поклонимся сердцем, умом и помышлением.

И ныне, Богородичен: Паче дыханія, предстательства Владычицы Маріи требуем,/ Та бо, яко Мати Божія, всем призывающим имя Ея/ благая и полезная дарует.

По полиелѣи седален, глас 8:

В сердцах избранных незримо печатлея Божественный зрак,/ сам сый орудие Пресвятаго Духа,/ горния

красоты́ нам являеши видѣние / и челове́ки наставляеши
ко спасѣнию, преподобне, / моли́ Превѣчную Троицу,
Ейже со Ангелы предстоиши, / спастися душамъ нашимъ.

Слава и ныне, Богородичен.

Прокимен и Евангелие преподобнаго.

По 50-м псалмѣ стихира, глас 6:

Ни Ангел, ниже́ человекъ, но Сам Христосъ образо-
творцев Начальникъ явися, / егда́ запечатлѣ на убрусе
Свой Божественный ликъ. / Ты же, преподобне, / под
покровомъ Его́ всегда́ пребывая, // Духомъ Святымъ наученъ
еси́ образы творити.

Канон, глас 4.

Песнь 1

Ирмос: Поѣмъ песнь побѣдную Единому Богу, / сотвор-
шему преславная, / древле бо фараона // со всевоинствомъ
в мори погрузи.

Приидите, вернии, / со преподобнымъ Андреемъ песнь
побѣдную воспоймъ / и возславимъ Пресвятую Троицу,
Отца́ и Сына и Святаго́ Духа.

К преподобному Сергию, якоже достойный уче-
никъ, блаженне Андрее, притеклъ еси́, / и чрезъ того́ Свя-
тымъ Духомъ наставленъ былъ еси́, / и вкупе с богоносными
Сергиемъ и Никономъ, / триѣ прославили Троицу во
Единице.

Сергия великаго достойне прославилъ еси́, яко чти-
теля Пресвятыя Троицы, / ему́же усердно подражалъ
еси́, / и нас научаеши достойно поклонятися Единому
Богу, / в Трехъ Лицахъ нераздельно Сущему, Сотвор-
шему Небо и землю.

Сергиемъ богомудрымъ наученъ, древнимъ богословомъ
подобенъ явился еси́, преподобне Андрее, / и яко тии
словомъ, тако ты иконою догматъ Троицы проповѣдалъ
еси́ в странѣ Россійстей, / и ныне исповѣдати сей всехъ
научаеши.

Богородичен: Радуйся, Богородице Дѣво, / радуйся,
Владычице мѣра, / в Тя бо вселися Единъ отъ Святыя
Троицы, / сего́ ради имаши силу спасати погибающия, /
спаси рабы Твоя, молящияся Тебѣ.

Песнь 3

Ирмос: *Утвердися сердце мое в Господе, / вознесся рог мой в Боже моем: // яко несть свят, паче Тебе, Господи.*

Сердце твоё утвердил еси в Господе, отче преподобне, / и душу очисти еси покаянием, / тело же предал пощению и трудом, / и обитель Пресвятыя Троицы явился еси, / Юже моли о спасении душ наших.

Возлюбил еси Господа всем сердцем, досточудне Андрее, / и любовь на враги вооружился еси, всех желая обрести Пресвятей Троице, / и всех зовещи Господа возлюбити любовью неутолимою.

Верую сердце утвердил еси неизблемо в Господе, / и славу Небесную созерцал еси сердечными очима, / и благодатию Духа Святаго показуещи в вещественных образах невещественная, / да и мы ныне пробудимся от сна греховнаго и узрим свет истинный.

Возвеселился еси всем сердцем о Господе, / и по всей земли прославил еси в совершенных образах Победителя смерти, / и ныне пребываещи в непрестанней радости, восходя от славы к славе, / и воспеваещи со Ангелы Пресвятую Троицу.

Богородичен: *О* Божественнаго промысления несказаннаго! / От земных явилася еси, Пресвятая Дево Богородице, / и соделалася еси мира Владычица, Мати Ипостаснаго Слова, / Егоже моли, Заступнице, о спасении нашем.

Седáлен, глас 8:

Ангельский образ прияв, образ и подобие Творца ангельским житием в себе возставил еси, / и во образе вещественном Образ Первообразнаго начертал еси, преподобне, / и к истинному богоподобию указуещи путь.

Слáва, и ныне, Богородичен:

Непрестанно и радостно прославляет Тя Церковь, Пресвятая Владычице, / чудотворными бо образы Твоими мир просвещаещи / и милости великия всегда изливаещи к Тебе притекающим с верою.

Песнь 4

Ирмос: *Вознесена Тя видевши Церковь на Кресте, / Солнце Праведное, / ста в чине своём, / достойно зывающе: // слава силе Твоей, Господи.*

Подвигом таинственно стяжал еси в Церкви пребывание, / учением ея последуя, преподобне, / и, уставы святых Церкви исполняя, образы начертал еси священныя, / ихже почитающе, вопиём: / слава силе Твоей, Господи.

Учение отцев Церкви ревностно исполнил еси, преподобне, / волю бо свою отсека, не своя измышления, но тех видения начертал еси, / смирением же в меру их достигнув, Церкви свидетельство явил еси, зовый: / слава силе Твоей, Господи.

Крест Христов, иже есть любви Пресвятыя Троицы, прославил еси, преподобне, / Крест, Церкви утверждение, возлюбил еси, / путем Крестным шествовав, сему поклонятися всех зовещи, поя: / слава силе Твоей, Господи.

Верую Христа в сердце вселив, блаженне Андрее, / со всеми святыми постигл еси, что есть широта и долготы, глубина и высота святых Церкви, / и иконами показуещи тайны Царствия Небеснаго, глаголя: / слава силе Твоей, Господи.

Богородичен: Вознесена видящи, Богородице, на Кресте Сына и Творца Твоего, / оружием в сердце уязвлена была еси, / Страстем Крестным Сына Твоего сострадаючи, / но неизреченную познала еси радость в Воскресении Его / и славною силою Христовою спасаещи Тебе молящихся.

Песнь 5

Ирмос: *От света пресекий первородный грех, / яко во свете дела поют Тя, Христе, Содетеля, // во Свете Твоем пути наша направи.*

Сергием великим водимь, преподобне, к Трисиянному Свету пришед / и Сим облистаемь, прославил еси Трисветлое Солнце, Творца и Бога, создавшего вся.

Великия благодати сподобился еси, преподобне, / умом вознесыйся к невещественному и Божественному свету Пресвятыя Троицы. / Сей свет видеша апостоли на Фаворе, / Афонстии же отцы со святым Григорием исповедаша яко нетварную силу Божию.

По блаженнем созерцании образа / неизреченную красоту первообраза во свете Своем откры ти Господь, блаженне отче, / и нас учиши честь и поклонение воздавати, / не вещь почитающе, но первообразную красоту.

Неизречённаго и Божественнаго Первообраза свет и блистание/ отчасти показуеши, преподобне, в тварном подобии,/ на негоже взирающи с молитвою дух ведения почерпают.

Богородичен: Отчее Сияние пройде чрез Тя, Владычице,/ и, плоть от Тебё восприявше, световидно Тя преобрази,/ яко превъшши еси чиновъ ангельских и всякия твари.

Песнь 6

Ирмос: Пожру Ти со гласом хваления, Господи,/ Церковь вопиет Ти,/ от бесовския крове очищися,/ ради милости от ребр Твоих// истекшею Кровию.

Толику добродетель и толику тщание/ о постничестве и иночестем жителстве имёл, преподобне,/ яко точно в Божественней любви преуспевати, в земных николѣже упражнятися,/ сего ради прославлен еси от Господа.

Имя твоё и подвиги возжелёл еси утайти смиренномудрия ради, отче Андрее,/ Видяй же тайное, яве прослави тя пред Ангелы и человеки.

Вселенную всю удивил еси, преподобне,/ возсиял бо еси в утеснённой и страждущей земли Россійстей, от множества враг боримей,/ и тако возмогл еси миру всему право проповедати Пресвятую Троицу.

Дивныя Своя суды на тебе яви Господь,/ пред Нимже тысяща лет, яко день един,/ избра ты в древния веки, прославити же восхотё в конце времён, во утверждение Церкви.

Богородичен: Славнейшая без сравнения Горних воинств,/ в Церкви, яже есть Тело Христово, в неизслёдимей глубинё и средоточии пребываеши,/ плоть Твою Христу заимодавшая, моли Сына Твоего помилovati нас.

Кондак, глас 8:

От юности к Божественней красотё устремляясь,/ чудный иконописец в земли Россійстей был еси,/ и, богоносным твоим учителем поревновав,/ сиянием добродетелей украсился еси, преподобне Андрее,// темже и явися Церкви нашей похвала и радование.

Икос:

Паче мѣры всякія благодать даровася ти, преблаженне отче,/ святыя иконы писати, наипаче же образ Пресвятыя Троицы;/ Бѳга міру проповѣдуя, Бѳга Отца, Бѳга Сына, Бѳга Дѳха Святаго,/ Иже есть Едино Существо в Трех Ипостасех, Едино Естество в Трех Лицах,/ и Едина Премѳдрость, и Едина Сила, Едино хотѣние, и Едино Божество./ Тѣмже и явися Цѣркве нашея похвала и радование.

Песнь 7

Ирмос: *Образу златому не поклонившися, отроцы авраамстии/ искушася, яко злато в горниле,/ в пещи огненной, яко в чертозе светлом,/ ликовася, поюще:// благословен еси, Бѳже отец наших.*

Огнемъ вещественнымъ искушаеми в пещи,/ триѣ отроцы прообразиша некогда Святую Троицу,/ ты же, преподобне, огнемъ Дѳха Святаго просвещаемъ,/ намъ показал еси образъ Пресвятыя Троицы, да поемъ:/ благословен еси, Бѳже отецъ нашихъ.

Истукана златаго посрамиша триѣ отроцы в Вавилоне, яко мѣртва,/ ты же, преподобне, учению Цѣркве послѣдуя,/ образы свидѣтельствуеша о Жизнодавце, Слове Воплощенномъ, да вопиѣмъ:/ благословен еси, Бѳже отецъ нашихъ.

Подвиги различными искушенъ бывъ, яко злато в горниле, преподобне,/ ныне в чертозахъ светлыхъ Отца Небеснаго ликуеша, зывалъ:/ благословен еси, Бѳже отецъ нашихъ.

В световидныхъ твоихъ образехъ явил еси, преподобне,/ неизглаголанними дыханьи Дѳха путь къ Бѳгу,/ да имъ шествующе, глаголемъ:/ благословен еси, Бѳже отецъ нашихъ.

Богородичен: *Светлый чертогъ непрестаннаго весѣлія являешися, Царице и Владычице,/ яко Тобою избавляемъ адекия пещи огненныя и, Твоему образу кланяющеса, поемъ:/ благословен еси, Бѳже отецъ нашихъ.*

Песнь 8

Ирмос: *Во огни пламеннемъ предстоятъ Тебѣ/ Херувими, Серафими, Господи,/ и вся тварь песнь Тебѣ поетъ красную:/ пойте, благословите, людіе, превозносите Христа, // Единаго Содѣтеля во вся вѣки.*

Подвиги видящи твоя, преподобне, радуется о тебе Церковь, вкупе и дивится:/ како приблизился еси ко огню Пресущественныя Троицы,/ Еяже трепещут Силы ангельския, и не опалился еси.

Господа и святых Его лики живописуя,/ подвигом оных усердно подражал еси, преподобне,/ пламенем непрестанныя молитвы сердечныя сомнища помыслов злых попалил еси.

Архангели, Ангели и вся Небесныя Силы/ таинственно и со страхом прославляют Господа непрестанными гласы,/ ихже показал еси, яко воочию виде, сам быв земный Ангел,/ ныне же с ними предстоиши у Престола Святыя Троицы.

Апостоли, пророцы, святителие, мученицы, преподобнии и вси святии/ непрестанно прославляют Господа священными песнопеньми,/ ихже славу явил еси во святых твоих образех, сам быв Небесный человек,/ ныне же с ними предстоиши у Престола Святыя Троицы.

Богородичен: Яко во огонь вошла еси, Пресвятая Дево,/ егда изволи вселитися в Тя Слово Ипостасное,/ Имже обожена и преображена и тако на Небеса прията, мира не оставила еси.

Песнь 9

Ирмос: Тя, яко село Пречистаго Слова,/ и приятелище Духа,/ и Благоволения делателище, поем, // в Тебе бо соизменение спасения нашего соделася.

Далеся ти благодать, преподобне, образ написати Пресвятыя Троицы/ в Божественном и царstem и ангельstem подобии,/ показуя господственное и владычественное, безначальное и безконечное,/ яко предаша ти святии отцы.

Дивный образ Пресвятыя Троицы начертал еси, преподобне,/ от вещнаго сего зрака ум наш и мысль вознося к Божественному,/ не вещь убо чтим, но Святую Троицу,/ честь бо, иконе воздаваемая, на первообразное восходит.

Дух Святый води твоима рукама, преподобне,/ егда писал еси образ Пресвятыя Троицы, в немже веру в Троидинаго Бога показуеши.

Славы ради Пресвятыя Троицы, Еяже образ, преподобне, начертал еси,/ Трисвятая песнь Трисвятей

и Единосущней и Животворящей Троице на земли приносится:/ Свят, Свят, Свят Господь Саваоф, исполни Небо и земля славы Твоея.

Богородичен: Неизреченное есть благоволение Пресвятыя Троицы к Тебе, Богородице,/ введением бо Твоим во Святаа Святых величие Твое преднаписася,/ волею Отца, приятием Святаго Духа, вселением Сына/ Святаа Святых Церкви Христовы быти сподобилася еси.

Светилен:

Ученик великаго Сергия быв, преподобне Андрее,/ яко светильник превознесенный возсиял еси, блистая лучами Божественнаго светолития,/ Христа стяжал еси в сердце твоём, Егже моли просветити души наша.

Слава и ныне, Богородичен.

На хвалитех стихиры, глас 4:

Дивныя красоты священнаго художества твоего,/ богомудре Андрее,/ недоумееет язык изъяснити,/ свидетельствуеш бо земным о Небеснем/ чудными иконами твоими/ и прославляеш Пресвятую Троицу/ силою дарованнаго ти Духа./ Мы же память твою ублажаем, зовуще:// преподобне отче Андрее, моли Бога о нас.

Торжествует Церковь ныне,/ преподобне Андрее,/ Троицу бо Пресущественную, Истиннаго Бога, прославил еси/ и Слово Воплощенное, Крестом вселенную искупившее, вообразил еси,/ икон же почитанию всех поучаеши,/ показуя Истину во образех,// Юже ныне созерцаеши явственно.

Силою непостижимаго всех Творца,/ в Трех Лицах Единого,/ Христово подобие в Тебе обновил еси, отче Андрее,/ молитвами же твоими нам помози// обновити и просветити души наша.

Слава, глас 5:

Днесь торжествует Святыя Троицы обитель/ с Сергием и сонмом ученик его/ и со Андроником и Саввою радуется обитель Спасова,/ израстившия земли Росийския храмов дивнаго украсителя,/ егже достойно хвалим и просим усердно:/ преподобне Андрее, моли Пресвятую Троицу// даровати душам нашим мир и велию милость.

И ныне, Богородичен, глас тойже:

Утоли́ болѣзни/ многовоздыхающія души́ моея,/ утолѣвшая всяку слезу́ от лица́ земли́,/ Ты бо челове́ком болѣзни отгони́ши/ и грѣшных скорби разруша́еши,/ Тебѣ бо вси стязка́хом наде́жду и утвержде́ние, // Пресвятая́ Мати́ Дѣво.

Славослѳвие великое.

НА ЛИТУРГИИ

Блаженны от канона, песнь 3-я и 6-я, на 8.

Моли́тва

О преподобне́ отче Андрее́, зело́ облагодѣтствованны́ пресвѣтлым даромъ видѣния первообразовъ красото́ Божественныя! О дивный плоде́ Цѣркве Россійския, отрасли́ благая́ Сѣргиемъ вели́кимъ насажденнаго дре́ва! В грозное бо время́ поста́ви тя Господь свидѣтели́ Своего́ и земли́ наша́я моли́твенника вели́ка тя соде́ла. Кто испове́сть безчи́сленныя труды́ и подвиги́ твоя́, разумъ земный́ превосходя́щия и еди́ному то́кмо ве́домыя Госпо́ду, ѣмизже благода́ть писани́я чудотворя́щихъ ико́н стязалъ еси́! Ты благоуха́ниемъ святыхъ твои́хъ ико́н весь миръ испол́нил еси́, наипа́че образомъ Пресвяты́я Трои́цы, да воззрѣниемъ нань побежда́ется вся́кий грѣхъ и ненави́стная рознь ми́ра сего́. О преподобне́ и пречу́дне отче, при́зри с высоты́, иде́же в Божественномъ свѣте пребыва́еши, и услы́ши моли́твы насъ, грѣшныхъ, и, я́ко имѣ́й дерзнове́ние ко Пресвятѣ́й Трои́це, со преподобнымъ Сѣргиемъ и все́ми святы́ми моли́ Влады́ку всехъ, о́ еже Цѣрковь егó укрепити́, разобщѣ́нныя соединити́, расточѣ́нныя собрати́ и в разумѣ́ние ѣстины́ всемъ приити́, отвратити́ от насъ пра́ведный гневъ Свой́ и испол́нити даровъ Ду́ха Свята́го, любве́, радости́, ми́ра, долготерпѣ́ния, бла́гости, милосѣ́рдия, ве́ры, крѳтости́, воздержа́ния, земное́ же страна́стvie преи́ти намъ, грѣшнымъ, безбе́дно, в бѳдущемъ же ве́це сподо́битися с тобо́ю и все́ми святы́ми прославля́ти Пресвятую́ Трои́цу, Отца́ и Сы́на и Свята́го Ду́ха, ны́не и при́сно, и во ве́ки веко́в. **Ами́нь.**

Преподобный Андрей Рублев, иконописец, родился около 1360–1370 гг. Иноком он стал между 1380 и 1405 гг., подвизался в Троицкой обители, где находился в послушании у игумена преподобного Никона Радонежского (ученика преподобного Сергия), и в Спасо-Андрониковом монастыре в Москве. В 1405 году преподобный Андрей с иконописцем Феофаном Греком участвует в создании иконостаса и росписей Благовещенского собора Московского Кремля. В 1408 году вместе с иноком Даниилом Черным он расписывает собор Успения Пресвятой Богородицы во Владимире (частично эти фрески сохранились, в том числе изображение Страшного Суда), пишет для Успенского собора иконостас. Позже преподобным Андреем написан так называемый Звенигородский деисисный чин для собора Рождества Пресвятой Богородицы в Саввино-Сторожевском монастыре под Москвой. В 20-е годы XV века Андрей с Даниилом по поручению игумена Никона расписывает Троицкий собор Сергиевой обители и создает для него иконостас. Прославившаяся во всем мире икона Живоначальной Троицы написана по благословению преподобного Никона святым Андреем в похвалу преподобному Сергию Чудотворцу. Эта икона стала образцом для других иконописцев: Стоглавый Собор 1551 года постановил писать образ Пресвятой Троицы так, как писал его Андрей Рублев. Последняя работа святого Андрея — роспись Спасского собора Спасо-Андроникова монастыря.

Написание святой иконы или фрески является духовным подвигом, требующим и художественного мастерства, и высокого христианского благочестия. Возношение ума к Невещественному и Божественному Свету при созерцании и написании святых



икон — вот что отличало святого Андрея и его сподвижника Даниила, как отмечал преподобный Иосиф Волоцкий. Глубокое постижение учения Святой Церкви, жизни святых и их творений преподобный Андрей выразил в линиях и красках написанных им икон и фресок. Согласно источникам, в XV–XVII вв. никто не сомневался в святости Андрея Рублева. В Троице-Сергиевой обители инок Андрей всегда почитался святым. Подвигом иконописания святой Андрей возвещает людям истину о Боге, в Троице славимом, вселяя мир в души всех, кто с молитвой взирает на созданные им образы.

Святой Андрей почил в Воле около 1430 года и погребен в Спасо-Андрониковом монастыре.

